



Broj: 01-04-23-4015/23

Ilijaš, 23.11.2023.

Na osnovu člana 100. stav (3) Zakona o javnim nabavkama („Službeni glasnik Bosne i Hercegovine“ br. 39/14 i 59/22), rješavajući po žalbi potencijalnog ponuđača „DERMAN COMPANY“ d.o.o. Zenica, Envera Čerkeza br.65, Zenica, zastupanog po punomoćniku Adnan Hodžiću, advokatu iz Zenice, Branilaca Branilaca Bosne br.8 od 21.11.2023. godine, zaprimljenu dana 22.11.2023.godine i zavedenu pod djelovodnim brojem: 01-04-23-3995/23., izjavljenoj na tendersku dokumentaciju u postupku javne nabavke radova –Građevinski radova na uređenju parking prostora JU Srednjoškolski centar „Nedžad Ibrišimović“ Ilijaš, za koji je objavljeno Obavještenje o javnoj nabavci broj: 5557-7-3-61-3-2/23 od 16.11.2023.godine, v.d.direktora Javne ustanove Srednjoškolski centar „Nedžad Ibrišimović“ Ilijaš, donosi:

### RJEŠENJE

1. Usvaja se žalba potencijalnog ponuđača „DERMAN COMPANY“ d.o.o. Zenica, Envera Čerkeza br.65, Zenica, zastupanog po punomoćniku Adnan Hodžiću, advokatu iz Zenice, Branilaca Bosne br.8 od 21.11.2023. a zaprimljene dana 22.11.2023.godine, izjavljene na Tendersku dokumentaciju, u postupku nabavke radova - Građevinski radova na uređenju parking prostora JU Srednjoškolski centar „Nedžad Ibrišimović“ Ilijaš, za koji je objavljeno Obavještenje o javnoj nabavci broj: 5557-7-3-61-3-2/23 od 16.11.2023.godine.
2. Ovo Rješenje je osnova za preduzimanje radnje ispravljanja od strane ugovornog organa i izmjenu tenderske dokumentacije. Po konačnosti ovog Rješenja, Komisija formirana za provođenje postupka javne nabavke radova- Građevinski radova na uređenju parking prostora JU Srednjoškolski centar „Nedžad Ibrišimović“ Ilijaš, će preduzeti radnju izmjene tenderske dokumentacije u dijelu u kojem su usvojeni žalbeni navodi.
3. Ugovorni organ će o poduzetoj radnji izmjene tenderske dokumentacije obavijestiti sve potencijalne učesnike u postupku, te će ovo rješenje biti objavljeno na WEB stranici ugovornog organa.
4. Usvaja se zahtjev žalitelja za naknadu troškova sastava žalbe, po punomoćniku Adnanu Hodžiću, advokatu iz Zenice, u iznosu od 280,00 KM.
5. Rješenje stupa na snagu danom donošenja.

### Obrazloženje

Odlukom o pokretanju postupka javne nabavke broj: 06-10-1-3952/23. od 15.11.2023.godine, Ugovorni organ- Javna ustanova Srednjoškolski centar „Nedžad Ibrišimović“ Ilijaš je pokrenuo postupak javne nabavke radova- Građevinski radova na uređenju parking prostora JU Srednjoškolski centar „Nedžad Ibrišimović“ Ilijaš,

Tenderska dokumentacija i Obavještenje o nabavci broj: 5557-7-3-61-3-2/23., objavljeni su na Portalu javnih nabavki dana 16.11.2023.godine.

Ugovorni organ je dana 22.11.2023.godine zaprimio žalbu na tendersku dokumentaciju, koja je izjavljena dana 21.11.2023.godine, od strane potencijalnog ponuđača „DERMAN COMPANY“ d.o.o. Zenica, zastupanog po punomoćniku Adnan Hodžiću, advokatu iz Zenice

Ugovorni organ je utvrdio da je žalba blagovremena, dopuštena i izjavljena od ovlaštenog lica. U žalbi je navedeno:

- da Ugovorni organ povređuje Zakon o javnim nabavkama Bosne i Hercegovine i podzakonske akte, narušava prava ponuđača-žalitelja u predmetnoj tenderskoj dokumentaciji,
- tenderska dokumentacija sačinjena suprotno odredbama člana 3 i člana 45. Zakona o javnim nabavkama Bosne i Hercegovine.

Žalitelj osporava zakonitost tenderske dokumentacije jer ni na jednom mjestu Ugovorni organ ne propisuje da ponuđač mora ispunjavati uslove lične sposobnosti predviđene članom 45.Zakona o javnim nabavkama Bosne i Hercegovine, a da je u skladu sa članom 45. Zakona o javnim nabavkama, ispunjenje uslova lične sposobnosti obavezno, jer je navedenom odredbom propisano da je ugovorni organ dužan odbaciti zahtjev za sudjelovanje ili ponudu ako ponuđač ne ispunjava uslove lične sposobnosti. Žalitelj



Bosna i Hercegovina  
Federacija Bosne i Hercegovine  
KANTON SARAJEVO  
J.U. Srednjoškolski centar „Nedžad Ibrišimović“ Ilijaš

dalje navodi da je neprimjenom člana 45. Zakona o javnim nabavkama Ugovorni organ povrijedio i član 3. Zakona o javnim nabavkama, a koji se odnose osnovne principe postupka javnih nabavki a to su pravična i aktivna konkurencija kao i jednako i nediskriminirajuće ponašanje prema svim kandidatima i ponuđačima u vezi sa predmetnim postupkom javne nabavke. Iz gore navedenih razloga žalitelj predlaže da ugovorni organ usvoji žalbu i izmjeni tendersku dokumentaciju radi provođenja zakonitog postupka javne nabavke, usvoji zahtjev žalitelja za nadoknadu troškova sastava žalbe u iznosu od 280,00 KM.

Izjašnjenje Ugovornog organa:

Ugovorni organ je razmotrio uloženu žalbu te žalbene navode žalitelja ocijenio kao osnovane zbog čega je u skladu sa odredbama člana 100. stav(3) Zakona o javnim nabavkama, odlučeno kao u dispozitivu Rješenja.

S obzirom da se žalba usvaja Ugovorni organ je usvojio zahtjev žalitelja za naknadu troškova sastava žalbe u iznosu od 280,00 KM. Navedeni iznos će biti uplaćen na žiro račun „Derman company“ d.o.o Zenica broj: 1542019945304916 po izdavanju računa za troškove sastava žalbe, kako je navedeno u punomoći „Derman company“ d.o.o Zenica.

Pouka o pravnom lijeku: protiv ovog Rješenja se može izjaviti žalba Uredu za razmatranje žalbi, putem Ugovornog organa direktno, mailom ili preporučenom poštanskom pošiljkom u roku od 10 dana od dana prijema Rješenja.

Dostavljeno:

1. Punomoćnik: Adnan Hodžić, advokat  
Branilaca Bosne 8. Zenica
2. a.a.

